

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

SEQ VVNT VR  
NVNC XXXVIII.

IMAGINES COELI VNA CVM STELLIS  
suis interfincte, quarum numerus est 1022. à peruetustis  
Astronomis animaduersus, inter has stellas, primæ ma-  
gnitudinis sunt 15 secundæ 45, tertiæ 208.  
quartæ 474 quintæ 217 sextæ 49, ne-  
bulosæ quinq; obscuræ nouem.

PRIMA IMAGO EST VRSA MINOR.



VRSA MINOR SEPTEM  
stellis conspicua est, Hæc, quia polo ui-  
cina ipsi nomen dat arctico, Nam  $\alpha$   $\gamma$   
7  $\theta$  urfa est. Prima vrsæ stella quæ ul-  
tima caudæ est, polaris uocatur, ideo quæ  
proxima polo sit, à nautis stella maris.  
Et est magnitudinis tertiæ, sequentes  
hanc quatuor quartæ, reliquæ duæ se-  
cundæ. Hoc astrum dicitur quoq; septē-  
trio minor, Arctos, Gynofura, plaustrū  
minus, phœnice pariter ab inuētōris no-  
mine, Ceruici huius vrsæ imminet quæ

dam stella informis, quarta magnitudine insignis, Vrsæ illa minor no-  
stro Clima nunquam occidit, nec oritur, quapropter missam facio.

Vrsæ minor.

Vrsæ maior.

\* Vrsæ maior uiginti septem stellas continet, quarum septem illu-  
striores plaustrum constituunt, dicitur Arctos maior, Plaustrum Ma-  
ius, Hamaxa, græce Helice, Calisto, Maior septentrio. Stellæ tres quæ  
rotas repræsentant, secundo quantitatis gradu sunt, quarta tertio.  
Temonem referentium proxima, alioth nomine, secundæ dignita-  
tis est. Extrema autem caudæ Arabibus Benenatz uel Benenaim, quæ  
uero in dorso est dulce iisdem appellatur. Ultra has insidere videtur ad  
huc mediæ caudæ stella minutissima quædam, quam Arabes Alcor,  
id est, paruū equitem uocant, imbecillioribus non adeo aciebus ob-  
uia, unde adagium natum apud Arabes, uidiſti alcor, sed non Lunam  
plenam. Etiam sydus hoc perpetuò nobis apparet, Stellæ insuper octo  
informes vrsam hanc comitantur.

Adagium.  
Vidiſti alcor,  
sed non lunam  
plenam.

Draco.

\* Draconis imago triginta stellarum est, quarum luminosior caput  
habet, Babylonis dicta rafdaben, tertii ordinis, alio nomine serpens,  
anguis, hesperidum custos nuncupatus. Ille nobis semper manifestus  
quoq; est. Ex draconis constellatione facit Azophi Arabs quinq; dro-  
medarios duosq; lupos.

Cepheus.

\* Cepheus nunc uideatur, Babylonio Phicares,  
Arabi Cheichius, quod est infâmatus, Flammiger.  
Incensu sonans, undecim habens stellas, cum duabus  
informibus, aliis clarior humerum dextrum possidet,  
Caldeorum Alderamim, semper & ipsa climati nostro  
conspicitur. E duabus stellis in dextera manu collocatis  
facit Azophi duas alas, & ex illis quæ sunt in pede de-  
xtero & sinistro, pastorem, canem & oues.

Bootes.

\* Bootes sequitur, quia bubulus, Arctophilax, id est, vrsæ uel plau-  
stri custos, Arabibus Thegius, quasi dicas plorans aut uociferans dicitur,  
uiginti duas stellas gerens, nostro Hemisphærio celatur totus,  
præter quatuor sinistrae manus stellæ. Apud hunc stella quædam insignis,  
informis tamen lucet, quam græci Arcturum, Caldæi Azimech,  
Ariamech, uel Colanza, uocant. Interdum Arcturus pro Boote usur-  
patur, & rursus Bootes pro arcturo, qui iuxta Plinium nunquam ferè  
sine procellosa grandine emergit. Nobis oritur adunquem cum sole 14  
die Septembris, cum tñ diu ante in oriente non conspectus fuerit, sed  
in occasu post solis descensum, Post uicesimum sextum diem Septem-  
bris cernitur in parte orientis & occidentis usq; in 15 Nouembris  
diem, quo rursus occultatur hæliacæ, id est, sub solem. In parte occidua  
ita, ut post solis occasum non amplius uideatur. Sexto Decembris præ-  
cisè cum sole absconditur, Cegnius stella quæ est in humero sinistro Bo-  
otis occidit, 14. Ianuarii, & surgit 15 Augusti, luxta Azophi senten-  
tiam Arcturus significat gladium aut pugionem, Stellarum autè, quæ  
pes dexter obtinet, clauam quandam esse uult, eam quæ sinistram pedè  
habet lanceam. Ex aliis autem stellis Bootis similiter eius lancea a sinis-  
tro constituit, sicut ex tribus, quæ sinistrae debentur, tres aellas.

Corona septē-  
trionalis.

\* Corona sequitur septentrionalis, quam Azophi Arabs parmā fa-  
cit, Balionii Alpheta, Caldæi Malphelcare dicunt, aliàs Ariathne no-  
men habet. Ruffus eandem gnofyam stellam appellat. Hæc nomina  
tamen tribuantur omnia lucidiori huius syderis stellæ, quæ secundi or-  
dinis.

dinis est, cui alia septem quartæ & quintæ duntaxat dignitatis sint. Idè  
cum arcturo est in apparentiis 21. Septembris oritur cum Sole, & ideo  
in parte occidentali cernitur post occasum scilicet Solis. Tertio No-  
uembris conspicitur denuo in oriente. Nec minus in occidente à solis de-  
scensu, decembris, 15. occultatur, nec amplius occidentalis apparet, 31  
uero eiusdem mensis una cum sole infra horizontem labitur.

\* Hercules nunc considerandus uenit, alio nomine Engonafis, id  
est genua flexus uel nixus, ingeniculus, Saltator, aper, Cethea, Algie-  
thi, id est, Incuruatus, stellis 29 constans. Fulgidior est in capite, & Cal-  
dæis Rasdalgieothi, quod est caput Herculis, nominatur. Stella ista to-  
tius constellationis appellationem fortitur, oritur 4 Ianuarii, occidit  
23 Octobris.

Hercules.

\* Lyra se ostendit, aliàs Testudo, Lyra orphica, Cheliis, Fidicula,  
Chaldaicè Afange, Allohare, Albegala, Vultur cadens, quod ultimū  
quare dicitur non memini equidem me legisse. Constat ex decem lu-  
minibus, inter quæ unum primo quantitatis discrimine super pupillam  
uuega dictū lucet, Reliquis tertiæ quartæq; differentiæ existētibus. Vuc-  
ga cum Sole horizontem scandit 7 Octobris, videturq; ante ortum  
Solarem 19 die eiusdem mensis 22 Februarii cum eodem obscu-  
ratur.

Lyra.

\* Cygnus uideri gestit, græcis κύκνος και όρνις, id est, latinis Olor  
& Auis, Gallinæ, 17 stellis micans, quarum tres præ cæteris clarè.  
Prima in rostro gallinæ Albyreo uocata, Secunda in extremitate alæ  
sinistræ, Alryph noie. Tertia uero de secunda magnitudine in cauda,  
Vropygium Gallinæ. Arioph addigege Arabibus dicta. Nebulosa  
una stella adhuc est genui dextro imminens, præfulgens autem hæc stel-  
la caudæ, de qua dictū est, nobis semper apparet.

Cygnus.

\* Cassiopeam deinceps intueri, Throni, Sellæ, Siliquaſtri nomen  
obrinet, astrum quod pectori inest, Ghaldæis Scheder dicitur, Syd<sup>o</sup>  
hoc semper conspicuum nobis manet.

Cassiopeia.

\* Persey Effigies offertur, Chelub Arabicè deferentis caput Me-  
duse, Algol, Diaboli, Gorgonifue, Constellatio ista tribus figuris con-  
ciatur, Imagine Persei, Enseq; eiusdem & capite algol. Enlis dicitur  
Falx Adamantina, Gladius Falcatus, Incuruus, uel Harpe. Capitis  
Meduse stellæ quatuor, Gorgoneæ nominantur, inter quas una luci-  
dior est, secundæ lucis differentia, sicut in Persei latere dextro insignior,  
eiusdem magnitudinis quædam est Alchenib dicta. Nostro parallelo  
parum de corpore Persei oritur occiditq;. Sed Georgonis astrum orit  
nobis cum  $\odot$  19 Ianuarii, Mox 16 Februarii ante Solem cernitur,  
12 Maii post eundem uespere absconditur.

Perseus.

\* Auriga sydus, quod heniochum græci, latini aurigatorem, agitato-  
rem currus, Captarum custodem, habentem hircum, Capellas uel He-  
dos. Oleniam capram, Arabes Alhath uocant, sequitur. Sinistro au-  
rigæ humero incidet quædam stella primæ differentia, quæ septimo cli-  
mati semper conspicitur, multo magis septentrionalibus. Vniuersa  
hæc configuratio quatuordecim stellis constat, quarum, quæ dicitur  
hircus, primam quantitatem obtinet, dexter uero humerus secundam,  
Hædi quartam. Sinistram cubitum possidentes Arabicè Sodatheni stel-  
læ nuncupantur. Horizontem leuissime subeuntes, sicut & dextri hu-  
meri stellæ nihil omnino.

Auriga.

\* Serpentarius modo contemplandus uenit, alio nomine anguite-  
nens, Aesculapius, Arabicè Alanguæ, græce  $\sigma$ φύραξ, id est, anguiger  
Effeminatus, Serpentis lator, eo quod serpente inuolutus circumda-  
tusq; est. Ptolemeus & Alfonso Serpentario tribuunt stellas 24 tertii,  
quarti, & quinti luminis, cum tamen non sint adeo insignes, præter du-  
as sinistrae manus, dictas Yed Arabicè 7 & 8 in ordine existentes,  
quæ tertiam quantitatem referunt, sicut etiam alia eiusdem magnitu-  
dinis stella in capite est serpentarii, Rasalanguæ, quæ 28 die Octo-  
bris surgit cum Sole, die præcedenti uero 27 Yed, id est, palma sinistra  
serpentarii oritur. Eadem 5 die Decembris occidit. Caput autem  
6. Ianuarii. Adhæc 6 sunt informes stellæ serpentario uicinæ.

Serpentarius.

\* Succedit hinc telum siue sagitta, quæ & temon meridiana ap-  
pellatur, quinq; stellas quarti, quinti, sextique discriminis gerens, 17.  
Nouembris Cosmicè prodiens. Iterum 3. & 4. Februarii oc-  
cumbens.

Telum.

\* Aquilam mox conspicaberis seu uulturem uolantem astris con-  
stitutam 9 formalibus, informibus, 6 Luminosior omnium inter-  
spatulas Alkayr nomen habet, secundæq; dignitatis est, 12. Ianuarii in  
occidente uideri definit, mox 25. eiusdem mensis Cosmicè omnino cadit.  
Cum illa pariter stella occidit, Antinous nomine, quæ caudam aqui-  
læ occupat, 28. autem Nouembris alkayr uidetur, sequenti die ea pars  
quæ Alkayr præcedit, colli uidelicet aquilini, 13 Decembris apparet  
rursus hæliacæ.

Aquila.

\* Delphin Delphinus ab hiis cernitur, decem luminibus tertiæ,  
quarta, & sexta magnitudine insignibus, medium horum clarius est,  
& 3 decembris cum Sole emergit 7 uero Ianuarii rursus cum eodem,  
occidit.

Delphinus.